

La Morti supr'ô travagghiu jè morti bianca !

Lu zappatùri zappa , zappa , zappa
 Chianta li fàvi e pensa cà si mancia .
 Zappa , rizzappa e poi zappa ancòra ,
 gghicàtu in dui , sèmina lu grànu , ma ...
 "Poi si mmisca sciròccu e livànti
 e nni leva davanti" ! ...

Dim/tùm , dim/tùm ; dim/tùm , dim/tùm .

L'occhi sbalancat' à lu scuru
 Lampia 'na saïtta - : - Oh ! ...
 Smòvi la nàca e canta la : Vò o /oh .
 A dda picciotta nun cci poti sonnu ;
 pensa a lu spòsu sò , chi jè all'acqu' ô ventu
 Frisca lu trenu e passa com'un trònu , ma ...
 li so' pinseri nun li porta via .

Dim/tùm , dim/tùm ; dim/tùm ; dim/tùm .

Un lampu ! ...- S'avanzanu i vagùni ! ...
 Dàm' accùra ! ... "Calati jùncu , cà ..."
 Scatamàsciu ⁽¹⁾ di ferru ! - ...
 'Un cc'è cchiù chiffari ! ...

Dim/tùm , dim/tùm ; dim/tùm ; dim/tùm .

A dda picciotta cci assiccòu lu latti , e ...
 'u piccirìddu chiànci a sò papà .

Lu trenu cùrri ; lampia la luci ;
 lu ventu sfascia l'ànta ⁽²⁾ - ... 'un c'è pani ! ...

: - ... Aùnni jè 'u travagghiu !?

Dim/tùm , dim/tùm ; dim/tùm ; dim/tùm .

Lu curagghiu di l'omu ... jè la munita !

Vàja carusi , chi vulemu fari !? ... -
 annamu sta jistèrna l'àm'à ⁽³⁾ lavari -
 "Mèttiti ssa mascar'à vuccagghiu e ntrasi" !
 n ca ⁽⁴⁾ ... mi mèttu stu buccagghiu e ntrasu - ...
 ... Forza non ti scantàri , cà ...
 ntràsu magàra jò , ca su' patrùni , ...ma ...
 Senza l'ossìgginu 'un si pòti campàri :-
 "Nisceru a ped'avànti" ... "li mischìni" !

Dim/tùm , dim/tùm ; dim/tùm ; dim/tùm .

THYSSEN – KRUP :

La luci jè fridda d'intr' ô capannuni ; ...
 nterra cc'è ògghiu *Eh !*... Cu' lu pulizzia ? ...
 :- Annàm'ô sodu , forza ... ch' àm'à fari ⁽⁵⁾ !?! -
 :- *n gâ* - "Facemu prestu, minàmu li mani,
 facèmu riccu lu nostru patruni" ⁽⁶⁾ ...
 cantavi un tempu , cugghiènnu l'àliva ...

Dim/tùm , dim/tùm ; dim/tùm ; dim/tùm .

Lu ferru sbatti , ... nèsci 'nà schifidda ⁽⁷⁾ e ...
 nni nasci "un focu 'ranni"
 Lu fòcu addùma ! - e tu ? - nun pò' scappari !
 Oh ! guarda :- cc'è chidda Signura ...
 ccu la vesti bianca ... - 'na jànca luci - ... - Oh ! ...

Dim/tùm , dim/tùm ; dim/tùm ; dim/tùm .

"Lu curaggu di l'omu ... jè la munita !"

Ccu stu tratturi zappu e nun faticu ;
 pozzu fari vint'uri e nun su' stancu ; ...ma ...
 'na pètra ; 'nt'òn sintèri ; ... *si sdirrupa !* ...

Dim/tùm , dim/tùm ; dim/tùm ; dim/tùm .

S'allavànca lu tratturi , - e tu ? ...
 e tu , di sutta , chianci ; gridi e ... cchiami
 :- Chi cci cchiami a fari ? ... Nuddu ti senti ; ...
 nuddu ti vidi ; ... nuddu ti senti ; ... nuddu ! ...

Dim/tùm , dim/tùm ; dim/tùm ; dim/tùm .

Supra di tia lu suli sfrazzia ;
 lampi di luci ; e lampi ...
 e lu to sangu limarrusu ⁽⁸⁾ scurri , ma ...
 ... "La jùrnata jè bbedda !" ...

Un lampu di luci ; ...
 - ancora e ancora luci , luci chi lampia - ; ...
 tu vidi a dda Signura , ccu la vesti bianca -
 Un lampu - ... ti sorridi e t'abbrazza - ...
 N'àutru lampu jàncu ... - **ntùm !** -
 Jè la tò morti :- "La tò morti jànca " -

Dim/tùm , dim/tùm ; dim/tùm ; dim/tùm .

"La Morti supr 'ô travagghiu jè morti bianca !"

(*mimmo cirino*)

NOTE :- (1) = Scatamasciu : forte rumore / frastuono - scatafascio .

(2) = l'ànta : è il lavoro ed il posto ove si esegue ed anche il prodotto/frutto; cioè l'azienda

del coltivatore . - (3) = l'àm'à = l'avem'à : la dobbiamo lavare . - (4) = ca / n ca : sì , ma certo !

- (5) = Ch' àm'à = ch'avem'à : che cosa dobbiamo fare . - (6) = v. G. PITRE / Agricoltura - (7) =

Schifidda : scintilla = faidda : favilla - = (8) Limarrusu : Limaccioso ; mischiatosi con la terra